

Колхоз СЮРЕС

ВКП(б)-лэн Кез Райкомезлэн но Райсполкомлэн газетсы

АВГУСТ
9
1938 ар
№ 65(1036)

Дуныз 5 коны

Агитационно-массовой ужез паськыт нуоно

Союзной но автономной республикаослэн Верховной Совет'эсазы быр'ён'эс дыр'я районамы сюэн лыд'яськись выль агитатор'эс, тцец'эс но беседчик'эс будизы. Та выль будэм партийной но непартийной большевик'эс котыкыче формаен агитационно-массовой уж нуыллызы ужасьёс, колхозник'эс но служащойёс пöлын. Соос насаленилы валэктылызы избирательной законэз, Сталинской Конституциез, международной но внутренней положени сярысь но мукет.

Агитационно-массовой уж нуон, населени пöлын бадзым политической но производственной под'емез жутилыз. Озы бере та агитационно-массовой уж нуон опыт, партийно-комсомольской но советской организациосын юнматэмын луыны кулэ вал. Партийной но комсомольской организациослы выль будэм агитатор'эсын али уборочной ужын агитационно-массовой ужез эшшо но паськыт нуны кулэ вал. Озы ке но кудог партийной но комсомольской организациос, быр'ён'эс дыр'я будэм агитатор'эссэс ыштызы но агитационно-массовой уж нуонэз аналтызы.

Колхоз'эсын агитационно-массовой уж нуонэз умяотон понна ВКП(б)-лэн райкомез вань партийной но комсомольской организациосы агитколлектив'эс организовать карон понна агитколлектив'эсын кивалтысьёс но соослы заместительёс вис'яз. Агитколлектив'эсын кивалтысьёс та дырозь уж борды öз кутскылэ на. Та сярысь умой верало таце факт'эс, что Камыжево сельсоветын агитколлективен кивалтысьёс Тронин М. но Трефилов А. туннэ нуналозь номре но öз лэсьтэлэ на. Сельсоветысь одйг колхозын но бордгазет уг поты. Колхоз'эс, бригадаос но нимаз колхозник'эс соц'шошатскоэн охватить каремын öвöл.

Уноаз колхоз'эсын горд но сьöд пул'эс вань. Нош со пул'эс вылын номре но гож'ямтэ, аналмыса уло. Агитколлективлэн бездействовать каремын сэрэн сельсоветын уборка туж ляб мынэ. Одйг Падезвай колхозын гинэ 4-тй августозь 25 га етын ишконзы вань на. Татын комсомольской организаци но вань.

Нош комсомолец'эс но кыче агитационно-массовой уж но уг нуо. Агитационной но массово-политической уж орчытымтээн сэрэн, сельсоветын 11 мурт гинэ стахановец'эс но ударник'эс.

Уг луы вераны, что районсь вань партийной но комсомольской организациосын агитационно-массовой уж урод пунктэмын шуыса. Чурино колхозысь комсомольской организациа агитационно-массовой ужез умой пунктэмын быгатыз. Татысь колхозник'эс 70 кесег пöртэм газет'эс басьто. 5 мурт агитатор'эс ужало. Соос колхозник'эслы шара газет лыдзо, ужан нормаез валэкто но мукет массовой уж нуо.

Агитационно-массовой уж нуон Дырпа сельсоветын но умой пунктэмын. Кытынке агитационной уж умой пунктэмын, отын ик уборочной уж'эс но умой мыно. Чурино колхоз туннэосын зег аранзэ но быдэстоз ни. Та, паськыт агитационно-массовой уж нуэмлэн результатэз луэ.

Ужасьёс, колхозник'эс но служащойёс агитационной ужэн интересоваться карыско. Каждой ужасьлэн, служащойлэн но колхозниклэн тодмез но кылскемез потэ, ма луэ мукет кун'эсын, испанской но китайской калыклэсь итальянской, германской но японской кровавой захватчик'эс пумитэ героической нюр'яськемзэс, Дальне-Восточной границаын японской провокатор'эс но советской пограничник'эс куспын луэм инцидент сярысь но мукетэз.

Агитационно-массовой ужез паськыт нуоно. Агитационной уж нуонэз выль производственной под'ёмен гердзаса орчытоно. Японской захватчик'эслэн Советской Союзлэн Дальне-Восточной границаез выль покушаться карыськемзы сярысь но Краснознаменной Дальне-Восточной Армилен доблестной пограничник'эсызлэсь японской хищник'эслы сокрушительной отпор сётэмзэс, каждой колхозниклэн сознанияз вуттоно. Агитационно-массовой уж нуонэз партийно-комсомольской организациосын паськыт нуыса, ю октон-калтонэз, зег кизёнэз, государстволы ю нянь сётонэз матысь дыре быдэстон понна нюр'яськоно.

ЕТЙН МУЛЫ ТЫШКАЛО

Сыга сельсоветысь, 1-тй Сыга колхоз 54 га вылысь етын ишконзэ 3 августэ быдэстиз. Колхоз али етын мулызэ тышка. Озы ик колхоз 8 га

вылысь арам зегзэ но кутсаз ини. 3-тй Сыга колхоз 57 га вылысь етын ишконзэ быдэстыса, кык га вылысь етын мулызэ тышказ. Ложкин.

СССР-лэсь обороназэ юнматон

Шуя городысь (Ивановской области) ворошиловской всадник'эслэн ОАХ-лэн райсоветэзлэн клубаз городлэн пöртэм предприятиосысь тыз егит'эс дышетско.



СЮРЕД ВЫЛЫН: Ворошиловской всадник'эслэн клубыстызы член, Фрунзелэн нимыныз нимам заводлэн ФЗУ-аз дышетскись Федоров В., кудыз басьтыз областной конно-спортивной соревнованиосын кык жетон.

МАССОВОЙ ВАЛЭКТОН УЖ АНАЛТЭМЫН

Гонка колхозын ю октон-калтонын ужась колхозник'эс но колхозницаос пöлын агитационно-массовой уж нуон аналтэмын. Татын вань комсомольской организациа, Комсомолец'эс, союзной но автономной республикаослэн Верховной Советазы быр'ён'эс дыр'я агитационно-массовой уж нуыллызы. Нош та дыр'я одйг комсомолец но массовой валэктон уж нуонын уг ужа.

Агитационно-массовой уж нуымтээн сэрэн, ю октон-калтонын ужась колхозник'эс но колхозницаос ужан нормаез но умой-умой уг тодо. Бригадир'эс валэс юэз сюрлоэн аран норма 0,12 га шуыса колхозник'эслы верало. Нош колхозлэн правлениез—0,13 га шуыса колхозник'эслы валэктэ. Колхозник'эс но колхозницаос кудыз шонер, уг тодо. Нокин но ужан норма сярысь умой-умой валэктись öвöл. Тини озы ужан нормаез тодымтээн сэрэн, колхозын одйг мурт но ужан нормаез быдэс'ясез öвöл.

Колхозник'эс нуналаз кöня ужало, уг тодо. Бригадир'эс колхозник'эслэсь ужам участок'эссэс мертало ке, кин кöня норма быдэстиз но кöня трудодень заработать кариз, уг верало.

Гонка колхозлы колхозник'эс пöлын массовой валэктон уж нуонэз кужмоатыны кулэ. Каждой колхозниклы ужан нормаез умой-умой валэктонэ. Соку гинэ нормаез мултэсэн быдэс'ясь колхозник'эс но колхозын луозы.

Осотов.

Красноармеец'эсты-пограничник'эсты Н. И. Пучков, А. С. Чеботарев, Н. Л. Скотников но В. Г. Колыхалов эш'эсты „Красная Звезда“ орденэн наградить карон сярысь СССР-лэн Верховной Советэзлэн президиумезлэн УКАЗЭЗ

Государственной границаосты защищать карон дыр'я доблесть но геройство проявить каремзы понна „Красная Звезда“ орденэн наградить кароно красноармеец'эсты—пограничник'эсты: Пучков Николай Иванович, Чеботарев Алексей Сергеевич, Скотников Николай Леонтьевич но Колыхалов Василий Григорьевич эш'эсты.

СССР-лэн Верховной Советэзлэн Президиумезлэн Председателез М. КАЛИНИН. СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 1 августэ 1938 арын.

Советской калыклэн кужымез вормонтэм

Кез Заготзернось но Элеваторстройсь ужасьёс, японской хищник'эслэн Советской Союзлэн границаез выль покушение лэсьтэмзы сярысь иворез кылыса, 4 августэ 300 мурт'ем митинг орчытызы. Митингын Вахрушева, Калинин, Тихонов, Золотарев но Брылов ужасьёс но служащойёс пераськызы.

Ваньзы митингын вераськем мурт'эс, одйг кылысь веразы, что советской калыклэн кужымез вормонтэм. Советской калык аслаз родинаез понна последней каили вирзэ сётыса нюр'яськоз. Таян öш ик митингын вераськисьёс ась-

мелэн Дальне-Восточной Краснознаменной фронтэсь славной пограничник'эслы боец'эслы, командир'эслы но политработник'эслы, японской хищник'эслэн покушениезы чурит отпор сётэмзы понна бадзым зечкылан мылкыдзэс веразы.

Озы ик митингын выступать карысьёс, фашистской захватчик'эслэн наглой провокацизылы пумит производительносгез жутоно ласянь но оборононой техникаез изучать карон ласянь кужмо уж нуоно шуыса митингын участвовать карысьёсты öти-

Тушмон аслаз территорияз ик жугемын луоз

(Кез МТС-ысь но МТМ-ысь ужасьёслэн резолюциыстызы).

Кез МТС-ысь но МТМ-ысь ужасьёс, служащойёс но тракторист'эс, японской военциналэсь Советской Дальней Востоклэн границаез выль покушаться карыськемзы сярысь иворез кылыса, митинг орчытызы. Митингын участвовать карысьёс одйг мылкыдын японской хищник'эсты лек адзем потонтэмзэс выразить карызы. Соослэн резолюциязы гожтэмын:

„Советской Союз чурит отстаивать каре мирной политикаез. Советской Союз воевать карыны уг малпа, но война жутисьёслы котьку от-

пор сётыны дась. Если тушмон Советской Союз выль войнаен лыктыз ке, Советской Союзысь вань калык одйг мурт сямен аслэсьтыз яратоно родинаез защищать карыны султоз но тушмонлы ноку вунэтонтэм чурит отпор сётос. Война жутисьёслы ми ответить каром производственной под'емез жутонон, осовавахимовской ужез умяотонэз но революционной бдительностьмес выль жутонон. Ми эшшо но юнгес гердзаськомы на коммунистической партия котыре но Сталин эш котыре“.

Бакинской поргын „Пионер“ учебной судноын бакинской школасысь 120 дышетскись пинал'эс заниматься карыско. Пинал'эс моторист'эслэсь радист'эслэсь, сигнальщик'эслэсь квалификацизэс басьто.



СЮРЕД ВЫЛЫН: радист'эс аппарат дорын.

ЕТЙН КИДЫС СЁТОН

Юски сельсоветысь, Дынгырлуд колхоз 1938 арын государстволы етын кидыс сётонзэ мултэсэн тырмытыз. 4,40 центнер интые колхоз 4,59 центнер зечлыко етын кидысэ

государстволы сдать кариз. 7-тй август азелы Юски сельсоветысь, Подшур колхоз но государстволы етын кидыс сётонзэ 79,7 процент тырмытыз. Аникин.

Завьяловской районн ю-нянь октон-калтон дыр'я ю-тысез ыштон'ес сярись

ВКП(б)-лэн Удмуртской Обкомезлэн 1938 арын
4 августэ постановлениез

ВКП(б)-лэн областной комитетезлэн бюроез отмечать каре, что Завьяловской райозлэн руководител'есыз (Рябов) но райисполкомлэн (Усков) ю тысез ыштонэн нюр'яско-нэз организовать өз каре, октон-калтон уж'еслэн центральной звеноз — ыштон'есын нюр'яскон, соослэн палэнтйзы кошке. Соос уг адзо, кызы дасо сюрсэн центнер ю тысь лудвил'есы ышыса кыле. Ужлэсь зечлыкэс колхоз'еслэн бригадир'есынызы но председател'есынызы принимать каронэз, качества инспекциослэсь ужзэс, шеп'есты киын октонэз организовать өз каре. „Красный труд“ колхозын ыштон'ес гектарлы 1,3 центнер составлять каро. „Декабрист“ колхозын 105 килограмм, „Ворошилово“ колхозын комбайнэн арам зегез 10 центнерзэ сис'тйзы.

ВКП(б) лэн Областной Комитетезлэн бюроез постановлять каре:

1. Антигосударственной но антиколхозной практика понна, кудиз выразит'я кариськиз районьсь колхоз'есын ю

октон-калтон дыр'я туж трос ю тысез ыштон'есын, райозлэсь заведующийзэ Рябовез ужысьтыз куштоно. Риклэсь председател'езэ Усков эшез предупредить кароно, что ыштон'ес ликвидировать каремын өз ке луэ, со ответственность улэ кыскемын луоз.

2. Райкомлэн секретарезлы Финоедовлы указать кароно сое, что райком райозлэн заведующийезлэн Рябовлэн антигосударственной, антиколхозной практикаеныз решительной нюр'яскон өз нуы.

3. ВКП(б)-лэсь Завьяловской райкомзэ но райисполкомез обязать кароно колхоз'есын ю-тысез ыштонэн кулэез'я нюр'ясконэз организовать карыны, та ужын СССР-лэн СНК-езлэн 1938 арын ю-нянь октон-калтон сярись решениеныз но УАССР-лэн НКЗ-лэн практической указаниосыныз руководствоваться кариськино.

ВКП(б)-лэн Удмуртской Обкомезлэн секретарез интые ВАХРИН.

350 интые 590 культу кертто

Чурино колхозысь колхозник'ес но колхозницаос ю октон-калтонэз вакчи дырын быдэстон понна нюр'яско. Уноэз колхозник'ес но колхозницаос машинаен арам зегез культуе керттылоньн нормазэс мултэсэн быдэ'яло. Кылсярысь, Ложкина Ма-

рия, Наумова Афанасия, Наумова Зоя Федоровна, Ончукова Лидия Егоровна, Тихонова Лидия Сергеевна, Ложкина Таисия, Трефилова Лидия, Ончуков Семен, Наумова Мария но Наумова Ираида 350 интые 590 культу керттыло. **Наумов.**

7-8 га ара

Кузьма сельсоветысь, Желтопи колхозысь машинист Кожевников Алексей Романович ю октон-калтон азе машиназэ ачиз тупат'ыз. Машиназэ тупатэм бераз колхозник'еслы со вераз, что тупатэм машинае одиг но уз т'яськылы.

Кожевников эш машинаеныз кужмо ужа. Машиназэ одиг но уг сылыты. Чукнаосы ужаны вазь мынэ, жытазесы пеймыт луйтэк уг берты. Тини озы ужаса Алексей Романович машинаеныз нуналлы быдэ 7 га но 8 га ара. **Главатских.**

70 кесэг газет басьто


Юски сельсоветысь, Чурино колхозысь колхозник'ес но колхозницаос ю октон-калтонын производительно ужало но культурно шутэтско Колхозник'ес но колхозницаос 70 кесэг пöртэм газет'эс басьто но лыдзо.

Аран машинаен ужасьес Трефилов Артемий Егорович но Ончуков Ларион Иванович ужан нормазэс 140-160 процентлы быдэ'яло. Соос выписать карем газет'есэс ужан доразы ик нуыса лыдзо но колхозник'еслы валэкто. **Худяков.**

Японской „шунды“



„Китайской горизо нтын 10 толэзь улэм бере.



Фашист'ес Советской Союз вылэ нападение дасяло. Долой фашистской война жут'исьесты! СССР-эз—быдэс дуннеысь трудящейэслэсь но угнетеннойэслэсь отечествозэс защищать кароно!

„Ми мир понна сый'еском но мирлэсь делозэ отстаивать кариськом, но ми угрозалэсь ум кышкаськелэ и война жут'исьэслэн ударзылы ударен ответить карыны дасесь“ (СТАЛИН).

ИСПАНИЫСЬ ФРОНТ'ЕСЫН

(ТАСС-лэн Парижысь ивортэмез'я)

Восточной фронт

Испанилэн оборона министерствозлэн ивортэмез'я, мятежник'еслэн но интервент'еслэн Эбро шур районн вань атакаосы отбить каремын. Противниклэн ыштон'есыз туж трос.

Левант фронтын

Гвадалаивар секторын наступленизэс азылантыса, республиканской войскоз трос пункт'есты басыт'ызы. Басытэм пункт'ес пöлын — Альто де

Лас Осес, Ла Эсвилада, Канада пик, Альте дель Моро но Сорро Норте. Противник 1176, 1185 высотаос дорын республиканской позициосты атаковать кариз ке но, туж трос ыштон'есын но кычэ порядоктэк берлань цигнано луиз.

Центральной фронт

Противниклэн Серильо де Эльминьо районьсь республиканской позициос вылэ атакаосыз ваньмыз ик отбить каремын.

Республиканской Испанилэн мужественной летчик'есыз

Париж, 4 августэ. Эспань агенство ивортэ, что кортес'еслэн (парламентлэн) председателз Мартинес Баррио толон республиканской егит летчикез принять кариз. Печатьлэн педставител'есыныз беседаын со егит летчик вераз, что та берло вить нунал'ес кустпын республиканской авиация 40 германской но итальянской самолет'есты усъкытыны быгат'ыз. Нош республиканец'ес со дыр вылт'и ик 9 самолетсэс гинэ ышт'ызы.

Республиканской авиатор'ес, противникен жестокой

бой'ес дыр'я, исключительной мужествозэс но хладнокровиэс проявлять каро. Летчик'эс пöльсь одигез, кылсярысь, солэсь самолетсэ противниклэн тылыныз сбрем бере парашютэн тэтчиз. Озык ке но, тодыса, что парашют противниклэн авиациезлы туж умой мишенен луэ, летчик исключительной самообладанизэ проявлять карыса, парашютсэ муз'емлы туж матысен гинэ усьтэмен кулонлэсь мозмытскыса, республиканской войскозлэн расположениызы лэзькиз.

Китайын военной действиос

Центральной Китайын

Янцзы шур валлин фронтын 2 августэ туж кужмоесь бой'ес мын'ызы. Японец'еслэн китаец'еслы реальной угроза кылдытыны быгатэменызы, китаец'ес Хуанденэз кельтоно луизы.

Хуанден город Янцзы шурлэн вуэныз затопить каремын. Янцзы шурлэн вуэз вöлмемен, бой'ес мынон районн войскозлэн действоосы шугомемын. Китайской войскозлэн главной кужым'ессы, Хуанмей доры вуыса, городлэн северо-запад палагес выль позициос занять каризы.

Со нуналэ ик 10-лэсь трос японской военной судноос Янцзы шур кузя Цюняньлэн вылиз тубизы.

Северной Китайын

Хэнань провинцилэн үй палоназ японской войскоз Даокоу-Цихуа чугун сюрес магистраль валлин Синь-сянь вамен северо-восток пала обшой отход лэсьтыны кутскизы.

Китайской сведениос'я, японец'ес ас войскозэс Циндао вамен выжто. Войскозлэн куд-ог локетэз Манчжуриэ но куд-ог локетэз Шанхае на-правляться карисько.

ФИНПЛАНЗЭС ТЫРМЫТ'ЫЗЫ

Стеньгурт сельсоветысь, Мельничной колхозысь колхозник'ес сельхозналог но страховоной тыронзэс 50 процентлы тырмыт'ызы ни.

Сыга сельсоветысь, 3-ти

Сыгамысь колхозник'ес Ефремов Андриан Семенович но Ефремов Иван Семенович сельхозналогзэс но страхплатежзэс тырыса быдэст'ызы. **Ефремов.**

Хасан озеролэн районаз столкновение сярись

2 августэ, Чукна югыт луыку, японской войскоз советской территории выльсь заозерной высотае нош ик наступление нуыны кутскизы. Со понна ожмаськон нунал лумбыт мын'ыз Японской част'эслэн советской территории вылэ потэмзы'я соос советской страна ласянь артиллерииен ыбылмын но омырысен бомбардировать каремын вал, соку соослэн туж трос калыксы быриз.

Манчжурской но Корейской терригориос вылт'я советской бомбовоз'еслэн лобам'эссы сярись японской агенствоосын но газет'есын вöлдиськись сведениос зэм вöлд.

Со сведениосты компетентной советской круг'ес решительно опровергать каро. Указать каро, что конфликтлэн самой кутсконоз дырысен ик советской правительство заявить карыл'ыз, что со Советской Союзлы бесспорно принадлежать карись территории гинэ защищать карыны намерен, что кызы ке сухопутной озы ик воздушной част'эс но со директиваез строго быдэ'яса, ялан но исключительно советской территория вылын гинэ возисько. Полагать каро, что сыче сведениос заинтересованной японской военщинаен юри вöлдисько, советской территория вылэ повторной наступлениоссэс но туж трос луйсь жертваоссэс оправдать карон понна. Сыче предположение но высказываться кариське, что японской военщина ас провокационной действоосыныз поощряться кариське куд-ог японской дипломат'есын. Сыче условиос дыр'я военной действоослэн азыланьын мыноны но туж серьезной последствiosoн чреватой луонэз неизбежной лыд'яське. (ТАСС).

Ог вадеслы редактор интые Е. ХУДЯКОВ. ПОТ'ИТЬСЯ РАЙСПОЛКОМ.

Ившин Вениамин Фроловичлэн нимыныз 907788 номеро ышем профсоюзной билетэз зэмен лыд'яно вö бл.